

【自家大自家】林伯殷原作

該儕人係麼个人士？仰會電視逐日有厥新聞？仰會有恁多人請佢簽名？又仰會有恁多人聽佢演講？敢係哪齣電影个明星？還係哪個有名个歌星？抑係哪種職業運動个球星？全毋係。佢係一間當有名个公司个執行長，佢來臺灣摺大家分享人工智慧个發展，同時間，還有當多其他重要晶片公司个執行長，也來到臺北參加這擺个電腦展。仰般佢兜會跔工對外國來到臺灣呢？當然有佢兜个理由啊！該就係，臺灣有全世界最先進、最完整个晶片製造系統！

在世界晶片分工系統裡肚，臺灣最強个部分係晶片製造，差毋多，最新設計个晶片，全部都交分臺灣來生產。現代晶片个發展係越做越幼，功能嘎越來越強。晶片製造公司為著愛開發新个製造技術，輒常愛投資大量个資金，集合幾下百、甚至幾下千儕來做研究，就係講，愛大自家為共同个目標來打拚正有法度做著，這摺單淨倚恃自家一儕人煞猛去做，有當大个爭差。

故所，有名个晶片公司執行長毋會淨強調自家公司產品个成功定定，還會記得承蒙好得有臺灣恁湛斗、恁有紀律个晶片生產團隊來幫襯。見擺

上下班時間，想著該恁多在科學園區來來去去个人，就知，係無大自家个努力，臺灣仰會有恁好个晶片製造能力，仰會恁受著國際个肯定？

隨等晶片个用量緊來緊大，恁多年來，幾多原旦係客家人耕種个山林、田垵既經變做電子廠摺大樓，想看一下頭播播仔做事个農家人，來思念自家个長輩就無恁該。毋過，這種自家認分，頭播播摺事情做好、堅耐个精神，對農業時代變到資訊時代後並無失忒，就像人也毋識離開過原來个所在，還係日合夜繼續留在廠房裡肚。這兜摺臺灣合作个晶片公司執行長，認為偲兜堅耐个傳統，就係臺灣晶片製造个成功基礎。

現代工業產品既經無法度離開晶片吔，臺灣个晶片公司也去到美國、日本、德國等等先進國家設廠，佢个工程師也就跼等去到世界各地。大自家摺晶片製造技術傳揚出去个時節，也分人更加有機會，做得來感受著臺灣人自家个堅耐精神。

【目汁个故事】徐秀英原作

該日下晝，看著一張畫錫人个圖像——顯微鏡底下个目汁花。每一張目汁花看起來就像一隻細星球，頂頂个花紋每一粒都無共樣，有像雪花形仔个，有像石英結晶體个，也有像虐毛蟲个，又神奇又得人惜。攝影个作者講，每一滴个目汁，用肉眼看起來都係晶亮晶亮，毋過在顯微鏡下，喜怒哀樂个情緒變化都會顯現出無共樣个目汁花。自看著這篇文章後，每擺看著人出目汁，就會緊恤該後背个故事。

佢係一個「噉點」當低个人，歡喜會流目汁、感動會跌目汁、當譴个時節會噉、悲傷个時節會大噉。屋下人輒輒笑佢，目珠有安水龍頭，一擰開就嘩啦啦緊流，毋過難免會堵著目汁噉上上 1 个時節。就像有一擺用電腦打報告，作業速度一路開青燈，就在會完成个時節電腦當機，看等烏疏疏个屏幕，就像佢烏疏疏个失落心情。等到再開機，資料淨伸一半，該央時就恁仔目金金仔，看著在三更半夜，歸屋下人睡到當落覺，伸佢緊擘嘴，緊流出知差个目汁。

目汁係偲兜同外界聯絡情感个一種表達方式。故所，所有个關愛、期盼、悲傷、感動抑係夢想个故事，都做得真實傳達。在偲兜个生活裡背，輒常也會在車頭抑係機場，看著一幕幕無共樣个場景。該片有人送別親人遠去他鄉，離別个目汁張等思念同期待，又還有異多係牽掛同毋盼得；這片有人掬等轉到个好朋友，該歡喜个目汁裡背，全全係再次重逢个快樂同幸福。佢想，目汁毋單淨係情感个出口，還有一種無形个力量，佢做得穿越時空，傳達溫暖同勇氣分思念个人。每一滴感動个目汁，都係關愛个力量同信念。

還細時節，自家當會起頓屈、打潑賴，去得著想愛个東西。阿姆講，目汁毋係武器，乜無應該係手段。這下佢知咧！目汁係珍珠、係鑽石、係親戚朋友無瑕个愛。

1 目汁噉上上：音 mug\ ziib\ gieu song song；形容欲哭無淚。

【一領讀書衫】黃美貞原作

該年个新冠疫情，對一群畢業生盡大个遺憾，就係大家僅可在線項講再見，無法度同同學齊共下參加畢業典禮。

有一日，大學三年生个阿德收著母校寄來个電子信，講愛邀請同學轉去參加畢業典禮，正經係當有心。聽校長講，異多該屆个同學試著，無同大家共下在禮堂唱畢業歌，在校園肚共下結胸花翕相，就無像畢業。有影，有緣做同學，有當多讀書、打拚、搞寮个生趣回憶，係難得个情份，故所，學校特別安排在校慶該日，請大家著學生衫轉來參加典禮。

阿德有一個習慣，係用毋著个東西，佢會遽遽處理忒，看係回收抑係攞忒，故所厰間房肚總係伶伶俐俐¹，無麼个舊个東西。這擺，愛尋出三年前个舊衫，根本就係兔仔角龜仔毛——無可能个事情。雖然學校也有分大家方便个選擇，著白色个面衫、烏色个長褲就做得，毋過，大家還係會想尋轉該兜青春个印跡、珍貴个回憶。

做阿姆个人，就算俵仔無講，也揣得著厰心思。佢先上網去尋看啊，哪位有賣成功高中个制服，電話聯絡好勢。想著圓身係圓个，用講个毋當用比个，尺寸好勢還愛繡學號上去，黏時帶等阿德平常著个衲子²出發，一息都馬虎毋得，這就係阿姆个愛，點點滴滴，來為子女設想。

該日打早，阿德暢樂樂仔著等新衝衝仔³个學生衫去學校，看著三年無見

著个同學，除忒歡喜還係歡喜。大家共下翕相，講笑，湊等去食晝，就像讀高中該下。還有同學問起：「阿德，若學生衫仰還恁新，一息汗點仔都無？同印象中差當多呢？」知著係阿姆个用心後，大家雖然感覺異過分，還係都當欣羨，原來時行个儀式感就係恁樣形啦！

一領學生衫做得分俵仔留下恁好个回憶，實在當值，盡重要个還分後生人了解，把握機會創造回憶，該種價值係用錢就買毋著个。

1 伶伶俐俐：音 lang∨ lang∨ li li；乾淨整齊。

2 衲子：音 xiaɡ ziiˋ；外來語，襯衫。

3 新衝衝仔：音 xin∕ cunɡ cunɡ eˋ；很新的。